

Etsai eraso, burruka latza,
eguzki dirdairik bako!
Uin-jauzika ots dagikanean
dirudik itxaso arro.

Goitik gogoa zidar egalez
dago jantzita: zerumin;
aragia, irrits murkoa eskuin,
ikus beerago: ludimin.

Izanez bata ustelkor dozu,
bestea barriz il-gaitza;
lur ala gogok jadats ereño?
norentzat ete garaitza?

Or dabilkidaz lera-sugeak
biotz ganbaran txistuka:
oillo samara mirotsa letxe,
jarkitzen alkar eztenka.

Aragiz azke dan gotzon argi
edur egoduna iduri,
lokiak ausiz ludi ontako
beatzun-arana itzuri.

Goira dot igon nai ego iraulka,
jzarren isla mosutu,
ta azkar garaituz ortze oztiña,
argi erriaz jabetu.

Ango goiz-aize, oi!, nok leukake!
Usno goitarrak arnastu,
argi jturnan egarri sua ito,
Jainko-besoan atsartu!

Baiña sugetzar marraskariak
lei ardoz mozkor nakarre;
ta ene gora miñak or epel,
jllotzen taiua darre.

ATZIPETUA

Laburrak, ziñez, nire atsegin orduak!
Joana az, ene maite, jbaia lez bizkor,
ta ni oroiz betea emen, ai!, ezezkor,
konta eziñik neure neke ta doluak.

Ez neban iñoz uste, iñoz, ez orixe!,
egun artako argi lausorik bagea,
ez, ez yatan iduri izan poz betea
ain laster itzuliko yatanik oiñazei

Baiña iduri utsa zan, ames gaillena,
nik olan jantxitako jauregi bikaiña.
Nok ete onen erru? Ez iñok nik aiña.
Lorea eder, ba'ña barruan edena.

Maite dardaiz josia ibilli naz zoro.
Bizitz sua itxuratan zoragarri dozu;
ezta, barriz, ispilla egiaren zitu,
ta ni be aren mende nago, gaur, osoro.

Bai, lilluragarria az, elai arraparil
Dana dagik erreza, zillegi, ederrik.
Oi, ames gaizto! Ezpei, ez, ire esanik
iñok betetu, izan nai ezik lotsari.